

Datum održavanja intervjua: **18.3.2015.**

Vrijeme održavanja intervjua: **18:00**

Trajanje intervjua: **20 minuta**

Ispitivač: **Tim 8**

Ispitanik: **Dean Čupović**

R.br.	Pitanje	Odgovor
1.	Dobro veče. Zahvaljujemo Vam se što ste izdvojili Vaše dragocjeno vrijeme. Počnimo sa prvim pitanjem. Kako biste ukratko opisali namjenu sistema, da li želite sistem koristiti u komercijalne svrhe ili je namjena sistema zabava?	Dobro veče. Hvala Vama. Pa, radimo neka istraživanja i prezentacije raznih proizvoda i u sklopu tih prezentacija bismo voljeli da napravimo kvizove odnosno određena istraživanja, što znači da će ljudi koji nam dođu na našu lokaciju, dakle na mjesto gdje se radi prezentacija imati kompjutere. Treba im biti omogućeno da kroz program odgovore na kviz, odnosno da popune neki upitnik što bi uključivalo neke a-b-c pitalice i pitanja na koja se mogu dati slobodni odgovori.
2.	Kakav tip aplikacije je u pitanju?	Klasična aplikacija, dakle ne web aplikacija nego klasična desktop aplikacija koju bi moglo istovremeno koristiti 10 do 15 ljudi.
3.	Da li će biti potrebno vršiti prijavu učesnika u kvizu?	Svako ko dođe prvo će morati unijeti svoje podatke: ime, prezime, adresu, datum rođenja i spol. Može se omogućiti i unos još nekih podataka kao što su kontakt informacije: telefon i e-mail adresa.
4.	Dakle, na samom početku tražit će se unos tih podataka?	Tako je. Prilikom pokretanja aplikacije, prije nego što klijent počne odgovarati na pitanja mora unijeti navedene podatke i tek onda mu je omogućeno pristupanje samom odgovaranju na pitanja.
5.	Ukoliko smo dobro razumjeli, željena aplikacija nije takmičarskog karaktera nego je više kao neki oblik ankete koji će prikupljati željene podatke radi efikasnijeg promoviranja određenih proizvoda.	Da, da, više kao anketa.
6.	Koji su sve tipovi korisnika koji će biti u sistemu?	Imamo korisnike, odnosno naše klijente koji će odgovarati na pitanja sa mogućnošću unosa ličnih podataka i glavnom aktivnošću u obliku odgovaranja na postavljena pitanja. Pored njih, od

		korisnika ćemo još imati naše uposlenike čiji će posao biti administracija: sastavljanje ankete i analiza odgovora s ciljem dobivanja željenih podataka, opis ankete, određivanje vremenskog trajanja kviza i tome slično.
7.	Da li će u sistemu postojati super admin ili će svi uposlenici imati ista korisnička prava?	Potrebno je samo da svi uposlenici naše firme imaju ista prava.
8.	Što se tiče korisničkih prava administratora, da li administrator dodaje korisnike i da li može modifikovati podatke korisnika?	Korisnik se sam prijavljuje dajući svoje podatke, a administrator može eventualno modifikovati iste ukoliko bude potrebe za tim u slučaju greške.
9.	Da li će imati prava brisanja korisnika?	Pa, nije neophodno.
10.	Možete li nam tačno definirati vrste pitanja u kvizu?	Zamisao je da budu pitanja sa višestrukim izborom(multiple choice), tačno/netačno, a/b/c pitanja, i pitanja otvorenog tipa na koja je potrebno unijeti neki tekst koji bi predstavljao odgovor, s tim da se može navesti da li je pojedino pitanje obavezno ili ne.
11.	Da li ovaj sistem treba podržavati različite kategorije pitanja, odnosno da li će krajnjim korisnicima biti omogućeno da izaberu određenu kategoriju na osnovu njihovih interesovanja za određeni proizvod?	Oni ne trebaju ništa odabirati. Znači, krajni korisnici ne trebaju imati mogućnost odabira pitanja, kao ni mogućnost uvida što se tiče rezultata. To treba omogućiti uposlenicima i registriranim korisnicima da imamo mogućnost pregleda nekih statistika tih anketa, tj. da možemo vidjeti koliko ljudi je pristupilo toj anketi, koliko ih je odgovorilo na pojedina pitanja i da možemo vidjeti statistički pregled tih anketa, odnosno, da imamo uvid kako bi mogli vidjeti da je na prvo pitanje 60% ljudi odgovorilo pod „a)“ i slične analize.
12.	Da li postoji predefinirani set pitanja na koji će svaki od korisnika odgovoriti?	Da, predefiniran je set pitanja. Znači, pravi se jedna anketa kao cjelina. Pri tome, u sistemu može biti definirano „n“ takvih anketa, dakle više tih anketa, i svaka ima svoj skup pitanja, predefinirani skup pitanja, Na kraju, kada krajni korisnik pristupa anketi ponudi mu se taj set pitanja na koji on odgovara.
13.	Da li postoji vremensko ograničenje, odnosno da li će vrijeme trajanja svih anketa biti fiksno?	Da, potrebno je da postoji vremensko ograničenje. Pri tome, potrebno je omogućiti uposlenicima da kada prave anketu zadaju i

		vrijeme trajanja ankete.
14.	Da li je potrebno ograničiti vrijeme odgovora na svako od pitanja proporcionalno trajanju ankete?	Ne.
15.	Što se tiče statistika rezultata kvizova koja ste spominjali, kome sve trebaju biti dostupne. Da li samo Vašim uposlenicima ili i krajni korisnici mogu vidjeti rezultate?	Samo registrirani korisnici će moći vidjeti rezultate ankete, dakle to treba biti omogućeno samo našim uposlenicima.
16.	Da li će po završetku ispunjavanja ankete biti prikazani rezultati ankete korisniku ili njegovi odgovori ostaju samo za interne potrebe kompanije?	U principu, prikaz rezultata ankete ne treba omogućiti korisniku. Jedino je potrebno omogućiti pregled pitanja sa datim odgovorima nakon popunjavanja posljednjeg pitanja da korisnik i da kaže: „DA, to su moji odgovori“ i da pošalje i zatvori anketu.
17.	Da li će postojati određena kategorizacija pitanja po težini?	Ne mora biti nikakva posebna kategorizacija.
18.	Da li je potrebno omogućiti naknadno modifikovanje pojedinih anketa?	Potrebno je to omogućiti.
19.	Da li se klijentu mora omogućiti unos usernamea i passworda?	Ne, potrebno je unijeti samo lične podatke. Klijent neće imati korisnički račun
20.	Da li klijent može više puta pristupiti sistemu? Ako je odgovor da, kako onda pristupiti tom problemu?	Moguće je da klijent više puta pristupi sistemu. Pri tome ponovo unosi iste podatke, ali mu se prethodni rezultati ankete brisu
21.	Na koji način će sistem odabrati i ponuditi određenu anketu klijentu iz skupa aktivnih anketa?	Nakon unosa ličnih podataka, klijent će imati ponuđenu listu aktivnih anketa gdje će moći odabrati jednu.
22.	Za kraj, da li postoji nešto na što mi nismo obratili pažnju i da Vas nismo pitali, a smatrate da je bitna funkcionalnost sistema?	Ne, uglavnom to su osnovne funkcionalnosti. Eventualno ukoliko dođe do novih zahtjeva, njih možemo naknadno obraditi.
	Hvala Vam još jednom na izdvojenom vremenu. Nadam se uspješnoj poslovnoj saradnji.	Hvala vama.